

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

X I.

DIPLOMA HENRICI III. IMP. QUO SPIRENSI EC-
CLESIAE PRÆDIUM IN VILLA BADEN, IN PAGO UFGOWE
ET IN COMITATU ADELBERTI COMITIS
CONFERT.

A N N O M X L V I.

Ex Archivo Capituli Eccl. Spir.

In Nomine Sanctæ & individuæ Trinitatis HENRICUS Divina fa-
vente clementia Rex. Magnum quidem proemii meritum apud
conditorem omnium promereri speramus, si ecclesias Dei prædiis rebus-
que possessionis nostræ aliis ad divinæ laudis honorem concessio ditamus,
qua propter omnes Sanctæ Ecclesiæ Dei nostrique noverint fideles, tam
futuri quam præsentis, qualiter nos pro æterna requie animæ Patris
nostri Conradi Imperatoris Augusti beatissimæ recordationis, & matris
nostræ Giselæ Imp. simul etiam dilectæ conjugis nostræ Cunigundis Re-
ginæ, atque pro nostra perpetua salute contectalis nostræ Agnetis scilli-
cet Reginæ, Sanctæ Ecclesiæ Spirensi in honorem Sanctissimæ Virginis
Mariæ constructæ, in qua corpora Patris nostri Matrisque conssepulta re-
manent, fratribusque inibi div. servitio assidue vacantibus *quoddam*
prædium in villa Baden in Pago Ufgowe in comitatu ADELBERTI
Comitis situm, quod sæpe dictus Genitor noster acquisivit, nobisque he-
reditario jure reliquit, cum omnibus suis appenditiis, hoc est utriusque
fexus mancipiis, areis, ædificiis, agris, campis, terris cultis & incultis,

pratis, pascuis, sylvis, venationibus, mercatis, teloniis, aquis, aquarumque decursibus, piscationibus, molis, molendinis, quæfitis & acquirendis, & cum omni utilitate quæ ullo modo inde poterit provenire, in perpetuum tradidimus, eo nimirum tenore, ut eidem Ecclesiæ præpositus ejusque successores cum consilio & consensu fratrum de eodem prædio liberam deinceps habeant potestatem, tenendi, commutandi, præcariandi, vel quicquid sibi inde placuerit ad usum fratrum faciendi, si autem, quod absit, aliquis ejusdem Ecclesiæ ipsorum aut sibimet ipsi usurpare, vel alicui in Beneficium dare, vel quoquo modo à servitio præsumserit abalienare, bis aut ter ab herede nostro & fratribus monitus ut emendet, & si renuerit, sibi in admonitione non obedire contempserit, idem noster proximus heres dimidiam libram auri in publico pondere ad altare Sanctæ Mariæ persolvat, sibi que supra dictum prædium hæreditario jure possidendum redimat, & ut hæc nostræ traditionis & constitutionis Regalis autoritas stabilis & inconvulsa omni ævo permaneat, hanc chartam inde conscriptam manu propria corroborantes, sigilli nostri impressione jussimus insigniri. Dat. V. Idus Septembris anno Domini incarnationis Millesimo XLVI. Indictione decima quarta, anno autem Domini Henrici Tertii ordinatione ejus XVIII. regni vero VIII. Actum *Augustæ* in Dei nomine feliciter. Amen.